

宛容

丘齋

題題

跋跋



叢書集成

初編

商務印書館

宛丘題跋

張耒撰

叢書集成初編

(補印本)

宛丘題跋及其他一種

一九三九年三月初版
一九五九年十月補印

商務印書館出版

上海虹口印刷廠印刷

宛丘題跋

本館據津逮祕書
本影印初編各叢
書僅有此本

宛丘題跋

目錄

卷之一

讀唐書

讀韓信傳

讀南越傳

讀楚甘公說

題賈長卿續高彥休讀白樂天事

書宋齊丘化書後

老子義

書韓退之傳後

書五代郭崇韜卷後

書吐蕃傳後

讀鄒陽傳

宛丘題跋目錄

終

宛丘題跋卷之一

宋 淮陰張 未 撰

明 海虞毛 晉 訂

讀唐書

古之人主自中庸以上爲理所屈皆能行之而誠未必加也若漢文帝之於務農唐太宗之於從諫幾於誠矣或問二君之誠孰愈予謂文帝寡於言而意有餘未嘗爲外貌觀美繁於辭令而形於制度不過詔令丁寧而已而身之所履則可信不誣矣夫知稼穡者必上儉彼身衣弋絺足履華鳥集書囊爲殿帷罷露臺却走馬此其意可見也太宗每見賢臣則求諫援引古今出入經傳慷慨歎息語必成文此雖無害於聞過而有好奇之心焉此於誠有所不及也意有餘者忘言實已修者忘名理之必然也文皇常恨不撲殺此老文德皇后問誰帝曰魏徵太宗之信用徵如此而猶有殺心焉

則其平日之厚敬而深信之或未必情也且好諫者不諱其過而魏徵以諫草與史臣帝聞而怒遂有仆碑罷昏之事何怒之深也如此二事或者疑而不信予謂或有之高宗之淫昏屏暗又內爲悍妻操制其柄外聚羣不逞於朝而禍不及其身者有以也非幸也其智蓋有足以自衛者譬見東方言者以謂高麗將亡之祥帝曰高麗小夷且亦吾民也夫是言能出諸其口則有不可欺者矣以廢子賢之故怒某人嘗與交通令其父訓其子父殺之帝聞而不喜也更貶其父夫刑政能如是則希其意者必相戒而天下聞之猶有父子之義焉夫能酌理而不盡欺參以義而諂有所不受使其應變之際十五出此足以完其身矣

讀韓信傳

或問韓信服高帝乎予曰韓爲高帝將數年常將重兵滅大國而動以蒯通武涉之邪說信無所顧

召之而至令之而行何爲不服曰服則何爲卒反
予曰信服高帝之智力而不服其爲人是以反也
然則何也夫信之反非重失楚也在於僞遊雲夢
而執也夫僞遊雲夢之計是市井下俚之智而萬
乘之主親行之此信所以怏怏北面而薄其君以
謂不足爲其下也夫暴奪人之富貴而幽囚之欲
使夫雄傑者帖然而無怨非服之以德屈之以理
則不可夫以市井下俚之策而詐韓信彼身可執
心輕其上矣彼且聞其計出於謀臣則君臣皆輕
矣是不反何待然則爲高祖者奈何必待夫反行
明白引天下兵誅之耳信雖難制然不數年而定
一僞遊而縛韓信自爾出令天下誰敢信之歟自
古士有所負而功名見於世者未嘗肯以身就人
者也何者彼輕就人者其規矩準繩將在彼矣夫
如是則我之所有安得盡布之哉且保鑣鄒之利
者不以試薪舊和氏之璧者不登門彼皆不求人

而人求之若不得已焉而後卽之者亦自其理然
也韓信當秦亡之日天下之窮士也非有孔孟進
退之節然蕭何獨察其非汲汲於求顯待之不厚
禮之不至則不爲用也故以高帝之倨必使之築
壇齋戒備禮而後官之舉之三軍之下而加之諸
將之上而不疑知不若是信將不滿而無畱心矣
諸葛亮戰國之策士也高臥於隆中其主就彼彼
孫武求試兵法事業功名卒以不顯有以也夫

讀南越傳

子嘗愛漢文帝以趙佗稱帝於南越使陸賈奉咫尺之書馳一介之傳曰今兩帝竝立而無一使相通是必爭也未嘗怒其爲帝而佗必心竭誠屈伏自痛不須吏而去其僭號諺云人之飲酒勸之飲愈不飲禁之不飲則欲飲夫佗之帝也必意漢惡其迫我也矜張以伐之夫如是則足以自張於國人而意亦且少申矣今乃不然漢天子視我爲帝

漠然如未嘗有則吾何以其以爲兒子之論而不信也

讀楚甘公說

楚雖三戶亡秦必楚秦人之志也而言卒驗何也曰殺人者必見殺虐人者必見虐自有載籍以來未有能免者何則天道也秦滅六國雖滅乎楚楚怨秦最深怨深者復之必力人事也何怪焉

題賈長卿續高彥休讀白樂天事

高彥休作唐闕史辨白樂天恩母堅井作賞花詩賈子又從而續辨之予曰二子謂之愛白公則可矣未可謂知白公也古之聖賢誰能無謗何獨樂天也哉有謂舜囚堯而奪之位伊尹放太甲而自王世未嘗有辨舜與伊尹非篡者何也其心誠知其不然則辨無自而萌於心是其爲說無待而自然人之飽者人誣之以飢未有自疑而辨其非飢者人知舜與伊尹之非篡如自信其飽雖或從而

誣而不在辨之之域矣故凡世之辨已與辨人其言雖一而察其心之始萌蓋其於信嘗有所不足而後不能無言彼雖無疑於其初其考於理較於迹而後能消其不信之心於是乎有辨故曰二子未可謂知白公也嗚呼小人之害君子也亦多術也謗之於意外惑之於疑似世之君子傍視而不平者起而與之辨夫惟辨起於知之所不足故縱言極口而益召天下之多言繁興而是非足以兩行於世夫惟真知而泯言者而後謗止夫世之真知君子者才幾人則小人之毀賢敗善何時而止耶悲夫

書宋齊丘化書後

齊丘爲唐僞臣其智特大鼠之雄耳何足道哉其爲化書雖皆淺機小數亦微有見於道其能成功有以也吾嘗論黃老之道德本於清淨無爲遺去情累而其末多流爲智術刑名何哉夫惟清淨者

見物之情而無爲者知事之要據其要而終其情者知術之所從出也仁義生於恩恩生於人情聖人節情而不遺也無情之至至於無親人而無親則忍矣此刑名之所以用也齊丘之道既陋而其文章頗亦簡有可喜者其言曰君有奇智天下不親雖聖出斯言不廢

老子義

夫人之生不殺之於社席飲食之疾病則殺之於盜賊刑戮者過半矣則人之於死實未嘗知畏也而世之馭物者而欲物之畏不過示之以死亦惑矣故曰民不畏死奈何以死懼之苟畏死耶則吾取爲奇者而殺之宜民之不復爲奇也天下未嘗無刑而爲奇者不止則死之不足以懼物也明矣故曰若使人畏死而爲奇者吾得執而殺之孰敢也夫物不患無殺之者也萬物泯泯必歸於滅盡而後止則嘗有司殺者殺矣竊有司殺者之常理

而移之以行其畏非徒不足以懼物而亦有不及者也故曰常有司殺者殺夫代有司殺是代大匠斲代大匠斲希有不傷其手矣然則操政刑死生之柄驅一世之民使從之殆非也

書韓退之傳後

或曰操賞罰榮辱以執臨下者莫不欲天下勸沮於其賞罰取舍於其榮辱而其執常有所不行蓋有益勸而人益羞愈沮而人愈慕若韓退之之於唐始若此矣退之所自負與世之所推者於德莫如好直於藝莫如文章然以直取禍則逐山陽貶揭陽以文章招累則其文詞一世莫尚試於有司屢試而屢黜平生所述國家大事獨有平淮西碑耳然刊者未畢而磨者至矣是宜沮喪湮滅與時俱亡泯然無所見於世矣然每斥而名益彰每沮而事益顯抑者之力不勝譽者之舌雖退之亦自謂動而得謗名亦隨之是誠何說也子曰是何足

怪咎者先王之賞罰榮辱所以天下奔走而從之者惟其取天下之所欲勸者而賞且榮之取天下之所欲沮者而罰且辱之故賞一人而人勉惟恐其不若也罰一人而人懼惟恐其似之也且先王安能以已之好惡而力驅天下以從我哉直取天下之榮辱而制天下之向背耳彼唐之汙政其昏惑贅亂無所取衷制好惡可否於一己之私智而濟以蔽斯之姦何怪夫所沮者人慕所進者人恥歟且彼惟不可抑也是以愈抑而聲愈震子獨不見夫千仞之水貫而注之川乎大木梗之大石捍之排以巨峽道以高楚而後怒哮吼聲振百里押之者愈大則其聲也愈暴故小過之則小鳴大塞之則大震何則彼則執惟不可止故也何怪夫身益困而名益聞耶

書五代郭崇韜卷後

自古大臣權執已隆極富貴已亢滿前無所希則

必退爲身慮自非大姦雄包異志與夫甚庸驚昏闇茸鮮有不然者然其爲慮也實難不憂思之不深計之不工然異日彙之所起往往自夫至深至工是故莫若以正夫正者操術簡而周智者爲緒多而拙夫正者無所事計也行所當然雖怨仇不敢議之究況繼之者賢乎郭崇韜於五代亦聰明權智之士也佐莊宗決策滅梁遂天下自見功高權重姦人議已而莊宗之昏爲不足賴也乃爲自安之計時劉氏有寵莊宗嬖之因立爲后而中莊宗之欲又結劉氏之援此於劉氏爲莫大之恩而莊宗日以昏酒內聽婦言爲計空無如是之良者然卒之殺崇韜者劉氏也使崇韜繆計不過劉氏不能有所而已豈知身死其手哉好謀之士敗於謀好辨之士敗於辨惟道德之士爲無所窮而禍福之變豈思慮能究之哉

書吐蕃傳後

自漢以來其能制四夷使不爲中國患者莫若唐然獨一區區之吐蕃能困之豈其制之未得其術耶自太宗以來固已屢失其術其尤可笑者平涼之盟也匹夫操刀而殺人則必從容伺密待其不備而後發執刀而呼曰東爾手吾將汝殺則雖貴有不敢施於三尺之童何則人固不可易也不然則必狂疾者也使之束手而待之殺而不之避也則亦必狂疾者也吐蕃之於唐固非有深誠之可以不虞也在德宗之時吾方疑之曰彼必以大臣而後盟惟杜希金李觀而後可擇其地利則曰必黎木林而後可彼得殺吾之大臣而劫二將以空涇原靈夏之備而擇險阻之地以爲設伏之利此其必變之迹特未曰吾將變耳彼乘吾疑而直行其謀而求我成之其易我也甚矣而唐之將相大臣晏然不之虞如接君子與之握手壇上而不少備此何異於將殺之則告之束手而偃然不拒而

待死者哉彼渾瑊者忠有餘而智不足者也古之善將者遠至於隣國之動靜皆知之矣夫豈有他術哉測之以謀而伺之以實爾夫縛其二將而不知三萬之卒伏於肘腋而不覺也則其爲智也嗚呼平涼之盟所以大可笑也彼尚結贊之智何足貴也是殺人而告之束手者之智也其爲智亦大矣彼李晟之知不可不與盟也是知人殺之則避者之智也其可否之間亦明矣當是時唐之臣如渾瑊馬燧者亦可謂善將矣而猶如此況無二臣者哉

讀郭陽傳

郭傳稱梁孝王用公孫詭之說殺袁盎事覺孝王懼誅使陽入關求解陽見齊人王先生用其計說竇長君入言之及韓安國亦見長公主事果得不治此則陽與安國同救孝王殺盎事也及韓安國傳所稱見長公主事自以孝王僭天子遊戲天子

聞之心不喜太后乃怒梁使者弗見案責梁王所爲安國爲梁使見大長公主而泣長公主自以遊戲事在前非勝詭事也明鄒陽傳中所載誤記安國所解前事爲今事耳

元祐間蘇子瞻方爲翰林陳章黃魯直高郵秦少游濟北晁无咎譙郡張文潛俱在館中趨學蘇門世號四學士子瞻遇之甚厚每集必命侍姬朝雲取蜜雲龍飲之一時文物之盛自漢迄唐未有也陳后山與李端叔書云黃晁秦則長公客也張文潛則少公客也二公及三子相繼云亡文潛端然獨存士人就學者衆今日載酒餞飲食之故著作傳於世者尤多晚年詩效白樂天樂府效張文昌故陸放翁云自文潛下世樂府遂絕知言哉蘇長公嘗品第諸子云晁无咎雄健俊拔筆力欲挽千鈞張文潛容俯靖深若不得已于書

者又云秦得吾工張得吾易而世謂工可致而易不可致以君爲難云其題跋數條皆讀史時偶書其胸中成竹絕無殿最詩文補亡析疑之語聊以存少公之客云爾海隅毛晉識

宛丘題跋卷之一

終

容 齋 題 跋

洪 邁 撰

容齋題跋

本館據津逮祕書

本影印初編各叢

書僅有此本

容齋題跋

目錄

卷之一

跋祕閣書目

跋易舉正

跋孔安國尚書註

跋韓嬰詩外傳

跋白虎通德論

跋方言

跋說文解字

跋資治通鑑

跋真宗實錄

跋汲冢周書

跋大唐說纂

跋開元天寶遺事

跋續會要

跋蔣魏公逸史

跋皇朝百族譜

跋列子

跋尹子

跋隨巢子胡非子

跋戰國策

跋范子計然

跋意林

跋續樹萱錄

跋雲仙散錄

跋孔氏野史

跋後山談叢

跋漢志雜占十八家

跋漢志兵技考

跋冊府元龜

跋晉代名臣文集